

اجابة السؤال

احنا مين ؟

احنا معجون السنين

كلمه من قلب الحنين

دمعه محتاره في كل عين

احنا روح

طالعه من وسط الجروح

توهة قدر .. احنا سفر

فين ماروحناهايمه روحنا

الكون بحاله فوق كتافنا بكل همه

بكل نقطة ملح دايبه في قلب دمه

احنا كلمه حروفها صاحيه

كلمه دافيه

كلمه قاسيه

بس باقيه

في الجراح ..في اللجي واللي راح

في الامان
احنا بركان الزمان
بين ضلوعنا قلب تاني
قلب غير كل القلوب
قلب رافض اي زيف
قلب دقاته نزييف
احنا إيّد ماسكه الشموع
إحنا خطوه بدون رجوع
عجينه شكلها الزمن
لابسه الفرح
لابسه الكفن
شربه منقوع الكلام
وبتدلقه فوق الورق

.....إحناالقلق !!!